



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Praxis Meditandi A S. P. Ignatio Societatis Iesv Fundatore traditæ Explicatio**

**Le Gaudier, Antoine**

**Dilingæ, 1627**

Cap. XVI. Rationes quæ hunc meditandi modum persuadent.

[urn:nbn:de:hbz:466:1-50280](https://nbn-resolving.org/urn:nbn:de:hbz:466:1-50280)

ciat, intellectum subeat: tunc enim in ea immorandum esset, qualis exempli causa foret consideratio Beatissimæ Virginis, S. Iosephi, aut aliorum: quamquam illa personarum consideratio pro altero meditationis puncto desumi posset.

CAPVT XVI.

*Rationes quæ hunc meditando modum persuadent.*

**A**Tque hæc meditando ratio ab antiquis Patribus & pijs authoribus, obscure licet, tradita tamen est. Inter quos Beatus Augustinus, *in med. Quamò magis, inquit, homo sua mala suspirat & gemit, meditatio siquidem parit scientiam, scientia compunctionem, compunctio deuotionem, deuotio commendat orationem.* Nec enim alia de eausa meditatio parit scientiam, quam quia aliud est nisi discursus, quo ex solido fidei principio

pio per ratiocinationem conclusio  
 practica deducitur, qua excitati cō-  
 punctionis & deuotionis affectus in  
 orationem, siue colloquium, erum-  
 punt. Nec alio etiam sensu D. Gre-  
 gorius meditationem studium ap-  
 pellat, quo pij in Deum affectus ex-  
 citantur. *in Moral. Stude queso, in-  
 quit, & quotidie Creatoris tui verba  
 meditare, disce cor Dei in verbis Dei  
 ut ad eterna suspirat, ut mens tua ad  
 caelestia gaudia maioribus desiderijs ac-  
 cendatur, Et Bernardus, de confid. Cō-  
 siderationē ait diuinarum humanarū-  
 que rerum scientiam conferre, mentem  
 purificare, regere affectus, dirigere a-  
 ctus, corrigere excessus, componere mo-  
 res, vitam honestare & ordinare. Quae  
 omnia à B. P. Ignatio exposita clariùs,  
 & deducta in vsum, hanc meditandi  
 methodum praë cæteris omnibus  
 commendant, cum sit omnium praë-  
 stantissima, facillima, & vtilissima.*

Nam primò quidem maximè cō-  
 sentanea

sentanea est hominis naturæ, qui  
 cum intellectualis sit, ratione vti in  
 omnibus & discursu debet, & ratio-  
 num pondere voluntatem permo-  
 uere, sicq; se ad suas operationes ap-  
 plicare. Inde enim omnis in humanis  
 moribus error contingit, quia pauci  
 ratione ducuntur, sed pro appetitus  
 inferioris impetu voluntatē in quæ-  
 libet bona, etiam contra rationem  
 ipsam, flectunt & distorquent. Hæc  
 est vera hominis scientia, scientia  
 potius Sanctorum, quam sapiens  
 prudentiam esse ait, qua qui carent,  
 nihil mirum si captiui à passionibus  
 ducantur, & in actionibus plerumq;  
 à suo fine procul aberrant, quod etiã  
 periculum plerumq; imminet iis, qui  
 vitam spiritualem profitentur, cum  
 enim hanc viam non ineunt, frequē-  
 tes illusiones patiuntur, & plerum-  
 que, cum suo sensu, gustuq; ducun-  
 tur, à Deo se duci putant, quo fit vt  
 superbi, pertinaces, aliorumq; con-  
 temptores existant. G

Deinde vera meditatio non potest potest aliâ methodo fieri, cùm enim naturâ sua sit discursus practicus, planè necessarium est, vt & principium aliquod habeat, & ex eo conclusiones, eaq; practicæ, ad voluntatē permouendam deducantur. Principium autem hoc aliud non potest esse quam aliqua fidei veritas, vt pote quæ sit principium, & causa actuum supernaturalium, vnde non solum speculatiua esse debet, sed practica: & quia fidei omne principium extrinsecâ reuelatione & dicentis auctoritate nititur, ex suâq; natura obscurum est, perpendi illud diligenter necesse est, vt concipi animo & penetrari queat, neq; id quatenus principium est speculatiuæ alicuius conclusionis, sed practicæ. Quare in eo expendēdo habenda est potissimùm ratio eorum quæ ad praxim impellere possint, qualia sunt in historiarum meditatione personæ, verba, opera, cogi-

cogitationes & affectus. Vnde cum  
 valde difficile sit fidei principia ut  
 speculatiua sunt, penetrare, nihil ta-  
 men facilius est, quam eadem ut pra-  
 ctica sunt animo concipere & ap-  
 prehendere. Quae de causa etiam ij,  
 qui in rebus Theologicis rudes om-  
 ninò sunt, optimè meditari interdù  
 solent, imò quandoq; meliùs quàm  
 magni Theologi. Nam hi plerumq;  
 speculationi inhærent, & intellectù  
 duntaxat replent, illi verò ad ipsam  
 in principiis latentem praxim solùm  
 attendunt, & in affectus eorum vi  
 concitandos toti incumbunt.

Præterea ex hac methodo potissi-  
 mùm pendet vera & substantialis  
 deuotio, & solida voluntatis ad o-  
 mne bonum honestum complectē-  
 dum, perfectùmq; virtutum exerci-  
 tium suspiciendum proposita. Nam  
 inde potissimum fieri consuevit, ut  
 pleriq; licet orationi dediti, param  
 tamen solidi in virtutum cultu eua-  
 dant,

dant, quia non tam rationum mo-  
 mentis permouere voluntatem co-  
 nantur, quàm sensibili consolationis  
 dulcedine delinire cupiunt, quæ cum  
 ab appetitu inferiori & corporis di-  
 spositione dependeat, nihil eâ esse  
 inconstantiùs potest. Vnde eorum  
 deuotio, animi relectio, obedi-  
 entia, paupertatis, silentij studium  
 durat, quandiu solùm sensus ille  
 consolationis & gustus spiritualis  
 perseuerat; at vbi euanescit, tam vi-  
 uæ importunæ manent passiones,  
 quàm prius: imò aliquando eò ma-  
 iores, quò propter id genus conso-  
 lationum insolescunt magis, & sui  
 aestimatione inflati seipsos minùs a-  
 gnoscunt. Contrà verò cum diuinæ  
 sese veritates eodem modo semper  
 habeant, vbi semel menti inhæserūt,  
 quamcumq; in partem sese appeti-  
 tus inferior flectat, quocumq; modo  
 se externa obiecta habeant, volunta-  
 tem semper eodem modo afficiunt,  
 & eadem

& eadem vi impellunt. Quo fit, ut  
 etsi in virtutum cultu nullâ planè  
 delectatione afficiantur, qui rectam  
 hanc meditandi methodum ineunt,  
 tamè rationum pondere in id, quod  
 honestum est, perpetuo tenore rapi-  
 antur. Certè ideo etiam contingit  
 potissimum plerosq; in meditando  
 facilitatem magnam habere, in vitæ  
 tamen praxi valdè imperfectos, &  
 multis peccatis obnoxios: alios con-  
 trà perpetuâ in orando ariditate tor-  
 queri, in quotidianis tamen virtu-  
 tum actionibus ita strenuos, ut vix  
 quidquam admittant, quod repre-  
 hensione dignum sit: hi enim non  
 cæco impetu, nec solo affectu ducū-  
 tur, sed ratione & discursu, illi autè  
 affectu quidem bono, sed non in so-  
 lidâ suâ basi fundato, neq; ex verâ sua  
 radice & nativo fonte prodeunte.

*Hi, inquit S. Gregorius, l. 33. Moral.  
 c. 22. fletus in prece percipiunt, sed cùm  
 post orationis tempus eorum mentem*

6 3

super-

*superbia pulsauerit, illico in fastu elationis intumescunt, cum auaritia instigat, mox per incendia auide cogitationis exaestuunt.*

Accedit quod in meditatione, quæ religiosus discursus esse debet, & ad charitatem quæ ædificat, non scientiam quæ inflat, ordinatus, potissimum habenda sit ratio affectus: in hac autem methodo tale est præfatæ memoriæ & intellectus exercitium, ut suâ veluti sponte ad voluntatem perurgendam procumbat: memoria enim id solùm ante oculos ponit, quod ad illum finem valet, intellectus verò discursus, si ut præscribitur fiat, nullam varietatem admittit, sed audam duntaxat & simplicem ex principio benè apprehenso illationem, & ad singulares vitæ nostræ actiones in particulari benè formandas applicationem. Qua in re magna certè est tum utilitas, tum facilitas: utilitas quidem, quia cum diuinæ veritatis prin-

principium sit infallibilis actionum  
nostrarum regula, nihil ita iuuare  
nos potest ad vitam nostram ex Dei  
voluntate & Christi imitatione for-  
mandam, quàm cum illam regulam,  
vel ad præteritas actiones diiudican-  
das, vel ad futuras, eo præsertim die,  
componendas, adiungimus, in hac  
enim methodo, non in eo sistit di-  
scursus, vt affectum voluntatis erga  
virtutem aliquam verbi gratia hu-  
militatem, paupertatem, mortifica-  
tionem, puritatem intentionis, con-  
formitatem cum Dei voluntate, per-  
moueat: id enim parui esset momen-  
ti, sed præterea ad particulares vitæ,  
illius potissimum diei, actiones de-  
scendit, & admonet quomodo in  
hac vel illa occasione, cum hoc vel  
illud ages, te superare, quàm in eo  
negotio humilitatem, pacem, con-  
formitatem cum Dei voluntate ex-  
ercere debeas. Qua etiam in re ap-  
paret magna facilitas, cuius enim

sunt noti sui mores, nemo est, qui nō quid antè egerit, quid deinde acturus sit, suo modo cogitare possit, ac proinde benè apprehensi principij regulam singulis vitæ suæ actionibus, prout materia feret, admouere.

Deniq; qui hoc modo procedunt, optimè sese disponunt, vt si voluerit Dominus in contemplatione spiritui illos sapientiæ repleat, nam fieri non potest quin in vera animi puritate, & mortificatione, virtutibusq; omnibus, vt supra dicebamus, proficiant; præsertim cum iste modus suapte sponte ad contemplationē præparet, consistit enim contemplatio in simplici intuitu veritatis diuinæ, quæ discursus meditationis principium est. Itaq; facile fieri potest, cum diuinæ bonitati ita placet, vt in ipso memoriæ exercitio suspensa mens, Deum & diuinas veritates, insolito quodam lumine perfusa, quodammodo intueatur, & voluntas prius bene  
dispo.

disposita, ei purissimo amori magnâ  
cum quiete inhæreat, quæ verissima  
est contemplatio. Quod si id initio  
non contingat, saltem euenire faci-  
lè solet post elicitos illos affectus,  
quibus in Deum voluntas sustollitur.  
Quare diu nullus benè meditatur,  
qui non sæpe etiam veros contem-  
plationis actus admixtos experia-  
tur.

CAPVT XVII.

*Qualis debeat esse meditatio eorum  
qui salutem proximorum  
vacant.*

**H**ic modus meditandi in eo cæ-  
teris præferendus videtur, quod  
sit maximè vniuersalis, possitq; facil-  
limè, & magna cum vtilitate, ab o-  
mnibus vsurpari, in quocumque  
tandem vitæ genere versentur, si  
modò ad proprium cuiq; finem ac-  
commodetur; nam non minus ad

G s con-